

Rauenstein¹⁶, so dem von Neuburg gehörig, vnd das veste hauß Genep¹⁷, so Brandenburg zuegehörig, vnd alle die Bolwerckhen, Ja was vnserer daran gebawet demantelirt werden den 27. Februarj, doch ehe soliche demolirung beschehen solle, müessen den 24. Feb. Zuor, Key- span- vnd ligische Commissarien aldar erscheinen, vnd das augenmaß nemen, was soliche aufbawung vnß woll gekhostet habe, mit verificirung, solicheß gesehen [zu] haben, mit Jhren handten vnder-schrieben, welche hier vber 16 dhonen Goltß geschätzt wirdt, das etwas anderst khunfftig anß Liecht derffte bringen, vnd das wortt Hinc est, so Jm accord¹⁸ nit vergeblichen geschriben worden, Newe explication mit sich bringen möchte. eß solle auch Düsseldorf¹⁹ gantz Neutrall verbleiben, vnd die spanier darauß ziechen, zu vnserer defension behalten wir die stat wesel, Emmerich, vnd Rees²⁰, der spanier entgegen Gülich, Sittart, vnd orsoy²¹ mit guarnisonen besetzt, die andern Landten sein alle für Neutral, Brand. vnd Neuburg, von Key. vnd spagnien erkhlert worden/ wie Lang/ zweiffelt man daran, [28v] ob zwar die samentliche hollandische stette²² nun den 25. dito sondern²³ einiger resolution das man vernemen khan, auf reces biß Jn Februario scheithen thun, so wirdt doch für gewiß gehalten, daß wir mit Gott frue zu velt werden khumen, vnd was ansehentlicheß möchten attendiren, dan alle dage auß Brabant nit nur eine, sondern vnderschiedliche perschonen khumen, so nit allein dem Pr. auch vberall sagen, daß vnder den spanischen, eine vberauß grosseß Elent vnd Armueh sey, alß Jemalß gewessen,²⁴ dan gantz kheine bezallung vnd die spanischen Soldaten, so woll alß andere Nationen von hauß zu hauß vmb Gotteß willen vmb brodt bettelten. eß hat die Infante 2000 Soldaten in Antorff²⁵ in die Statt zur guarnison den 17. dito vermeint zu Legen, so haben die Burgerß die porten vberall geschlossen, vnd 3 fache wachten deß nachts gethan[,] haben sie²⁶ also bey Lier²⁷ vnd Mechelen²⁸ einquartirt, dan die Forcht bey Jnen, daß wir vnß woll dafür mochten Legeren, so sein auch die Prouintien von Artois vnd Hennegau, so malcontent, daß wen wir vnß inß velt nur mit 20000 mahn sollen begeben, woll gantze Prouintien reuoltiren möchten, daß Nirgent khein Gelt, vnd bezallung geschicht, sein auch auß Brissilien von Farnamboucquo²⁹ 2 Schiffe khumen, so schreibenß an den Pr. gebracht, daß der General Wertenburg³⁰ vermeltet, daß deglichen, seine benachtbarden Brassilianen hauffenweiß mit weib vnd khindern Zu Jme herüberkhumen, ohne die 2 Khönige³¹ da Jch in meinem andern schreiben daruon melung gethan, also daß die staten Jme Wertenburg etliche 100 Placaten³² Zue gesandten, soliche in Brasilien zu spargieren, daß sie Frey geleith, vnd alß das Jhrige ohne einige molestirung behalten sollen, so sich Jme ergeben wurden, haben auch zu dem Ente albereith eine Schuel angerichtet, vnd werden im Christlichen Glauben vnderrichtet, dise 2 Schiffe sein den 16. dito in Seellandt arriuert, die bewintha[bers]^{b33} Lassen nun wider vill volckh werben, vmb darnach zuezusenden, also daß wir z[u]^b Gott hoffen in weniger Zeit aldar ein Noua Holandia solle khünen werden. Unser Colonel Houteriua³⁴, so auß Seelandt von dem Pr. nacher Franckhreich i[st]^b verreisset gewest, ist nun den 19. dito wider hier khumen, er sagt daß Jm gewißli[chen]^b volgen sollen die 15 dhonen Goltß³⁵, damit wir palt zu velt sollen ziechen, ist [deß]^b Khönigß³⁶ begehren, man schlecht³⁷ aber hier dem vnghlaubigen St. Thomas, wan soliche Somma hier wirdt sein, so glau-